

# Канон пред Любечской иконой Пресвятой Богородицы

Память празднуем 7 (20) мая

Тропарь, глас 4-й

Преблагословенная Царице, Пречистая Деве Богородице, прославляющая град Любеч угодника Твоего преподобного Антония Печерского рождением и чудотворными иконами Твоея явлением, молим Тя, Всеблагая: моли за ны рождаемого от Тебе Царя, Христа Бога нашего, и Матерним Твоим к Немю предстательством избави нас от всякаго зла, недуги наша исцели, печали наша утоли и наследники яви нас Царствия Небеснаго, яко Милосердна.

КАНОН, глас 1-й

Песнь 1

*Ирмос:* Твоя победительная десница боголепно в крепости прославися: та бо, Безсмертне, яко всемогущая противныя сотре, израильтяном путь глубины новосодлававшая.

*Припев:* Пресвятая Богородице, спаси нас.

Очистим чувства и узрим в неприступнем Свете Матерь Света, в иконе Своей чудотворней чудесы преславными сияюще и души наша озаряюще, да радуемся, зовуще: радуйся, Мати Господня.

Пресвятая Богородице, спаси нас.

Небеса убо да веселятся, земля же да радуется, зрящи чудеса велия, иконою Приснодевы бываемая, да празднует же град Любеч светло чудотворными иконами Богоматери день явления, сию почитая, яко стену ограждения.

Слава: Умерщвления предел сломила еси, Владычице, Вечную Жизнь рождши – Христа, Егоже яко Младенца на руку Твоею носила еси, якоже Тя на иконе Твоей святей видим, Деве Всенепорочная.

И ныне: Воскресения мертвых Виновника и Жизнодавца рождающая, Богоблагодатная, еже радуйся от всех родов христианских слышиши, иконою же Твоею святою верныя утешаеши и подвизаеши вопити Тебе: радуйся, Марие Всеблагословенная.

Песнь 3

*Ирмос:* Еди́не, ве́дый челове́ческаго существа́ не́мощь и ми́лостивно в не вообра́жся, препоя́ши мя с высоты́ си́лою, е́же вопи́ти Тебе́, Святы́й, одушевле́нный хра́ме, неизрече́нныя сла́вы Твоея́, Человеколю́бче.

Пресвятая Богородице, спаси нас.

Ны́не гра́да Лю́беча лю́дие испо́лнишася ра́дости явлéнием чудотво́рных ико́ны Твоея́, Богоро́дице, и пра́зднуют свéтло пра́здник Ея́ явлéния, я́ко вои́стинну торжествó Правосла́вия и е́ресей посрамлéние Твоею́ си́лою, Влады́чице.

Пресвята́я Богоро́дице, спаси́ нас.

Виждь, Чи́стая, правосла́вных собо́ры, на поклонéние чудотво́рному о́бразу Твоему́ грядúщия. Виждь и нас, грéшных, к многоцелéбному о́бразу Твоему́ с любóвию припадающих, грехóв разрешéния и жити́я исправлéния просящих, и не лиш́и нас Матерняго Твоего́ заступлéния, Всенепорóчная.

Слава: Течёт струя́ чудес незави́стная от ико́ны Твоея́ чи́стия, Богоро́дице Дéво, от нея́же вёрнии исцелéние и утешéние приéмлют, моля́щеся тёпле зол избáвление и вéлию Твою́ мило́сть, Пречи́стая.

И ны́не: Всéю душею́ и мы́слию смире́нною чудеса́ Твоя́ сла́вим, Влады́чице, с любóвию предстояще чудотво́рней Твое́й ико́не, в не́йже залóг благово́ления Твоего́ нам дарова́ла еси́, Богоневéсто. Тёмже неотступна бúди от нас Твоею́ мило́стию.

Господи, помилуй (*трижды*). Слава, и ны́не:

## Седален, глас 2-й

Мо́ления на́ша, со усéрдием принос́имыя Тебе́ пред чудотво́рною ико́ною Твоею́, Богомати́ Пречи́стая, мило́стивно услы́ши и бúди нам покрóв держа́вен и заступлéние крёпкое от враг ви́димых и неви́димых, предвари́ и от бед избáви нас, Влады́чице Всеблагáя, едина́, вскóре предста́тельствующая.

## Песнь 4

*Ирмос:* Го́ру Тя, благодáтию Бóжиею приосенéнную, прозорли́выма Аввакúм усмотрив очима́, из Тебе́ изы́ти Изра́илеву провозглаша́ше Свято́му во спасéние на́ше и обновлéние.

Пресвята́я Богоро́дице, спаси́ нас.

Се Пречи́стия раб, преподо́бный Анто́ний, неви́димо грядёт к нам от Го́рних высот сопра́здновати с на́ми день явлéния чудотво́рных ико́ны Богомати́, ёюже отéчество его́ земно́е просла́вился чудесы́, в нёмже сла́вится и́мя Твоё, Мари́е Богоблагодáтная.

Пресвята́я Богоро́дице, спаси́ нас.

Избра́нник Твой, Госпоже́, на горе́ Печёрстей обите́ль пресла́вну во и́мя Твоё созда́ и огради́, преподо́бный Анто́ний, zde же, во отéчествии его́ земнём, просла́вился чудесы́ Твой о́браз святы́й, Твои́м благово́лением Влады́чице.

Слава: Богооте́ц úбо Дави́д пред сённым ковчéгом скака́ше, игра́я, мы же, веселя́щеся о Твоём заступлéнии, Дéво, Твою́ чудотво́рную ико́ну ра́достно окружа́ем и сию́ любéзно лобыза́ем, зовúще: Ты еси́ на́ше ра́дование, сла́ва и похвало́, Богоневéсто.

И ны́не: Ре́ку исцелéний и исто́чник чудес ико́ну Твою́ святу́ю по досто́янию имену́ем, Богоро́дице, ёюже град Лю́беч свéтло красúется, стяжа́в в себе́ толи́кий дар Твоея́ мило́сти, и благодарно́ славосло́вит Твоё е́му заступлéние.

## Песнь 5

*Ирмос:* Просветивый сиянием Пришествия Твоего, Христэ, и осветивый Крестом Твоим мира концы, сердца просвети светом Твоего Богоразумия православно поющих Тя.

Пресвятая Богородице, спаси нас.

Безмерное милосердие Твое познаем, Владычице, в чудесах преславных, от иконы Твоея бываемых. Сего ради чувствуем ю с любовью и благоговением, и рабски пред нею Тебе вопием: радуйся, радости наша Виновнице и спасения нашего Ходатаице, Марие Благодатная.

Пресвятая Богородице, спаси нас.

Приступим, вернии, с любовью к чудотворному образу Приснодевы и поклонимся Ему со благоговением, се бо в нем чудеса силу проявляет Всеблагая Владычица и вся спасает, с верою несомненною почитающих пречистаго лика Ея подобие.

Слава: Неотступна буди, Владычице, помощи Твоею и заступлением нам, смиренным рабом Твоим, и якоже избраннику Твоему, преподобному Антонию, милость Твою явила еси, сице и нам, во отечестве Его Тя поющим, покажи милосердие Твое неисчетное, в житии нашем и при кончине нас присно заступающих.

И ныне: Певаемая чудеса Твоя, во граде Любечи бывшая, Богоотроковице Дево, удивляют человеков помышления, и верныя влекут на поклонение чудотворному Твоему образу, в немже чудеса силу преславно проявила еси, Владычице, на спасение наше и утверждение.

## Песнь 6

*Ирмос:* Обиде нас последняя бедна, несть избавляяй, вменихомся, яко овцы заколения. Спаси люди Твоя, Боже наш, Ты бо крепость немощствующих и исправление.

Пресвятая Богородице, спаси нас.

Призри милостивно, Дево, на люди Твоя, пред иконою Твоею честною тепле Тебе молящиеся. Сохрани град Твой от всякаго зла, потребная ему подавающи, снабдящи и покрывающи Твоея помощи и заступления ищущи.

Пресвятая Богородице, спаси нас.

Спаса Христа о нас умоли потщися, Богородице, Матернее дерзновение к Немю имущи, простри к Немю руке Твои честнии на умоление, имиже Его яко младенца носила еси, и спаси град и люди, на Тя уповающия.

Слава: Да избавимся от всяких злоключений Твоим представтельством, Богомати Владычице, чтущия верно Твой святой праздник, в немже чудеса Твоих множество воспеваем, и, Твоими милостями красящися, Тя едину скоро Представляющую Помощницу именуем.

И ныне: Поём Тя и поклоняемся Ти, Богомати Дево, с верою и любовью проповедающе многая и преславная Твоя чудеса, в Любечи иконою Твоею чудотворною явленная. Ты же, яко Милостива сущи, якоже древле отцем нашим, сице и нам, смиренным, щедроты Твоя даруй, заступающи и спасающи нас от всяких бед.

Господи, помилуй (трижды). Слава, и ныне:

## Кондак, глас 8-й

Притецём, вёрнии, к многоцелёбному образу Заступницы нашея, Богородицы Маріи, и, припадающе к нему с любовію, сице рцем: о Всепетая Мати, о Царице Семилостивая, прізри свѣше благосердіем Твоим на ны, недостойныя, и молитвами угодника Твоего, преподобнаго Антонія Печерскаго, яви нам Твоя милости и щедроты: в болѣзнях исцелѣние, в скорбех утешѣние, в бедѣх скорую помощь нам даруй, и вся ны спаси, на Тя уповающія, да зовѣм Ти: радуйся, Дѣво, христіан заступлѣние.

## Икос

Ангела земнаго и человека Небеснаго, преподобнаго Антонія, умолением и Твоим неисчетным милосердіем преклоняема, Владычице Преблагая, услыши нас, благоутробно похвальныя пѣсни Тебѣ приносящих и во умилении глубокоцем зовущих Ти: радуйся, Бога Отца Невесто Непорочная; радуйся, Бога Сына Родительнице Неискусобрачная. Радуйся, Бога Духа Святаго селение избранное; радуйся, Пресвятая Троицы Тайнице Пречестная. Радуйся, ангельских воинств удивление; радуйся, человеческого рода возвышение. Радуйся, Любеча похвало; радуйся, Россіи славо. Радуйся, надеждо ненадежных; радуйся, врачевство болящих. Радуйся, Утолильнице печалей; радуйся, радости скорбящих. Радуйся, Дѣво, христіан заступлѣние.

## Песнь 7

*Ирмос:* Тебѣ, умную, Богородице, пещь, разсмотрим, вёрнии, якоже бо отроки спасѣ три Превозносимый, мир обновѣ, во чреве Твоем всецѣл, хвальный отець Бог и препрославлен.

Пресвятая Богородице, спаси нас.

Отроки в пещи халдейстей Избавльшаго плотию родила еси, Дѣво, и на руку Твоею яко Младенца Того носила еси, с Нимже и на иконе Тя зрим Всепетая, хвальным отець Богом и препрославленным.

Пресвятая Богородице, спаси нас.

Всех вѣрных собираеши, Владычице, пѣти Тебѣ немолчныя хвалы и чудес Твоих множество проповѣдати велегласно; Ты же, яко Милосердая Мати, не презри и нас, днесь славословящих Тя и рождшагося от Тебѣ хвальнаго отець Бога и препрославленнаго.

Слава: Яко воистинну священный и радостный день настѣ явленія святаго и чудотворнаго образа Твоего, Богомати Пречистая, в немже град Любеч духовно веселится и воспеает Твоя чудеса, мы же, поклоняющесе Тебѣ пред всечестною иконою Твоею, радостно созерцаем на Ней рукою Твоею держимаго Предвѣчнаго Младенца, хвальнаго отець Бога, и препрославленнаго.

И ныне: Монахов россійских первоначальника, преподобнаго Антонія Печерскаго, отечестве земное днесь, благоволением Твоим озаренное, Приснодѣво Маріе, со страхом и радостью праздник светел Тебѣ сотворяет, зовя: Ты еси моя похвала и утверждение, Мати хвальнаго отець Бога и препрославленнаго.

## Песнь 8

*Ирмос:* В пещи отроцы израилевы, якоже в горниле, доброю благочестія чистее

злата блещахуся, глаголюще: благословите, вся дела Господня, Господа, пойте и превозносите во вся веки.

Пресвятая Богородице, спаси нас.

Сей святой и светоносный день торжества Богоматери, в немже явление многоцельного Ея образа светло празднуем, верные и Боголюбивыя души созывает молебныя похвалы Заступнице нашей приносить и радостно к Ней вопити: радуйся, Богородице, от всех родов христианских превозносимая во вся веки.

Пресвятая Богородице, спаси нас.

Прииди, православная Любечская пачство, и виждь велие благоутробие Владычицы наша Богородицы, в явлении иконы Ея Тебе дарованное, от Неяже чудеса струи истекают, и знамения благодатная совершаются, и всем щедроты Ея подаются, превозносящим имя Ея святое во вся веки.

Слава: Воззри на нас милостивно, Владычице, предстоящих Тебе с верою и любовию и молящихся Тебе пред пречистым образом Твоим, егже в Любечи дивно явила еси и чудеса многими прославила еси, сими Православную веру утверждаючи и ереси низлагаючи, благодетельныя же рабы Твоя подвизаючи превозносить Тя во вся веки.

И ныне: Приими нишу слезную молитву, Всеблагая, и испроси нам оставление грехов, мирное житие и благоую кончину от Господа: вемы бо, вемы воистинну, Дево, яко вся возможна Тебе, аще токмо восхощеши. Темже со упованием крепким поем во славу Твою и превозносим Тя во вся веки.

## Песнь 9

*Ирмос:* Образ чистаго рождества Твоего огнепальная купина показа неопальная; и ныне на нас напастей свирепеющую угасити, молимся, пещь, да Тя, Богородице, непрестанно величаем.

Пресвятая Богородице, спаси нас.

Светися, радуйся, граде Любеч, се бо в Тебе заря чудес возсия – икона Пречистыя Девы; ликуйте Любечстии людие, обрешши залог несомненный благоволения Богоматери, Своею иконою в вас чудодетельствующей, и по долгу хвалеными гласы Пречистую величайте.

Пресвятая Богородице, спаси нас.

О, Божественнаго и вселюбезнаго лика Твоего подобие и безмерных чудес от него изливание, Владычице, град Любеч и всю пачству его просвещают духовно и щедротами Твоими обогащают ищущих Твоего заступления, Ты бо еси воистинну крепкое наше упование.

Слава: О Мати и Дево, рождающая святых Святейшее Слово! Словес наших хвалёбных не презри, иже чудеса иконы Твоея прославляти дерзаем, смиреннии, но молитв ради угодника Твоего, преподобнаго Антония Печерскаго, на милость к нам преклонися и от всяких бед нас избави, да Тя непрестанно величаем.

И ныне: Да сохраниши, Владычице, град и люди пребыванием в них чудотворныя иконы Твоея осененныя, да спасеши державу Российскую от всякаго злаго нестроения и враг видимых и невидимых. Молим Тя, Всеблагая, сохрани стадо Твое в Православии цело и спаси нас, Тя благоговейно величающих.